



匈奴列傳第五十

史記一百十

正義曰此卷或有本以平津侯後第五十二今第五十者先生舊本如此劉伯莊音亦然若言諸傳而次四夷則司馬汲鄭不合在後也

匈奴其先祖夏后氏之苗裔也曰淳維漢書音義曰匈奴始

祖名○索隱曰張晏曰淳維以殷時奔北邊又樂彥括地譜云夏桀無道湯放之鳴條三年而死其子桀粥妻桀之衆受避居北野隨畜移徙中國謂之匈奴其言夏后苗裔或當然也故應劭風俗通曰殷時曰饁粥改曰匈奴又晉灼云堯時曰葷粥周曰儉狁秦曰匈奴韋昭云漢曰匈奴葷粥其別名則淳維是其始祖蓋與饁粥是一也唐虞以

上有山戎正義曰左傳莊三十年齊人伐山戎杜預云山戎北戎無終三名也括地志云幽州漁陽縣本

比戎無終子國儉狁葷粥晉灼曰堯時曰葷粥居于北蠻隨

畜牧而轉移其畜之所多則馬牛羊其奇畜則

橐駝

索隱曰韋昭曰背肉似橐故云駝 橐駝索隱曰按

鹽特馬牝生羴 正 馱 馱徐廣曰比馱馱馬 馱索隱曰說

義曰羴音力戈反 馱文云馱馱馬父羴子也廣志云

決蹄也發蒙記到其母腹而 馱徐廣曰似馬而青 馱索

生列女傳云十七日超其母 馱隱曰按郭璞注爾雅云

馱駝馬青色音淘塗又字林云野馬山海 馱徐廣曰音

經云北海內有獸其狀如馬其名馱駝也 馱馱駝馱駝馱駝

屬○索隱曰說文云野馬屬一云青驪 馱馱駝馱駝馱駝

麟驪又如驪魚鄒誕生木 馱馱駝馱駝馱駝

城郭常處耕田之業然亦各有分地索隱曰分母

文書以言語為約束兒能騎羊引弓射鳥鼠少

長則射狐兔用為食索隱曰少音式紹反長 士力

能彎弓索隱曰彎 盡為甲騎其俗寬則隨畜因射

獵禽獸為生業急則人習戰攻以侵伐其天性

也其長兵則弓矢短兵則刀鋌韋昭曰鋌形似矛

索隱曰音蟬埤蒼云鋌小矛 利則進不利則退不羞

遁走苟利所在不知禮義自君王以下咸食畜

肉衣其皮革被旃裘壯者食肥美老者食其餘

貴壯健賤老弱父死妻其後母兄弟死皆取其

妻妻之其俗有名不諱而無姓字漢書曰單于姓

曰孿音六綠反 夏道衰而公劉失其稷官徐廣曰后稷

義曰周本紀云不密失 變于西戎邑于豳其後三百

有餘歲戎狄攻大王亶父徐廣曰公 亶父亡走岐

下而豳人悉從亶父而邑焉作周索隱曰按謂 其

後百有餘歲周西伯昌伐畎夷氏

索隱曰韋昭云春秋以為犬戎

按畎音犬小顏云即昆夷也山海經云黃帝生苗苗生龍龍生融融生吾吾生并明并明生白白生大大有二壯是為犬戎說文云赤狄本犬種字從大又山海經云有人面獸身名犬夷賈逵云犬夷戎之別種也後十有餘

年武王伐紂而營維邑復居于豐鄩放逐戎夷

涇洛之北

索隱曰晉灼曰洛水在馮翊懷德縣東南入渭又案水海云出上郡彫陰秦昌山過華陰入渭

即漆沮

以時入貢命曰荒服其後二百有餘年周

道衰

索隱曰案周紀云懿王時王室衰詩人作怨刺之詩不能復雅也

而穆王伐犬

戎得四白狼四白鹿以歸自是之後荒服不至

於是周遂作甫刑之辟穆王之後二百有餘年

周幽王用寵姬褒姒之故與申侯有郤

正義曰故申城在鄧

州南陽縣北三十里周宣王舅所封申侯怒而與犬戎共攻殺周幽

王于驪山之下

韋昭曰戎後來居此山故號曰驪戎

遂取周之焦穫

正義曰括也志云焦穫亦各剗口亦曰剗中在雍州涇陽縣北城十數里周有焦穫也

而居于涇

渭之間侵暴中國秦襄公救周於是周平王去

酆鄩而東徙維邑當是之時秦襄公伐戎至岐

正義曰今岐州高誘云秦襄公救周有功受周故地酆鎬列為諸侯也

始列為諸侯是後

六十有五年而山戎越燕而伐齊

索隱曰服虔云山戎蓋今鮮卑

胡廣云鮮卑東胡別種又案應奉云秦築長城徙士亡出塞外依鮮卑山因為號

齊釐公與戰

于齊郊

索隱曰釐音僖名諸兒也

其後四十四年而山戎伐燕

燕告急于齊齊桓公北伐山戎走其後二

十有餘年而戎狄至洛邑伐周襄王襄王奔于

鄭之汜邑

索隱曰蘇林汜音凡今頓川襄城是

初周襄王欲伐鄭欲

娶戎狄女為后與戎狄兵共伐鄭已而黜狄后

狄后怨而襄王後母曰惠后有子子帶欲立之

於是惠后與狄后子帶為內應開戎狄戎狄以

故得入破逐周襄王而立子帶為天子於是戎

狄或居于陸渾

徐廣曰一為陸邑○索隱曰春秋左氏秦晉遷陸渾之戎于伊川杜預以為九

姓之戎居陸在秦晉之間二國誘而從之伊川遂從戎號今陸渾縣是也

東至於衛侵盜暴

虐中國疾之故詩人歌之曰戎狄是應薄伐獫

狁至於太原

毛詩傳曰言逐出之而已

出輿彭彭城彼朔方

毛詩傳曰彭彭四馬兒朔方北方○正義曰言獫狁既去北方安靜乃築城守之也

周襄王既居

外四年乃使使告急于晉晉文公初立欲修霸

業乃與師伐逐戎翟誅子帶迎內周襄王居于

維維邑當是之時秦晉為疆國晉文公攘戎翟居

于河西圖洛之間

徐廣曰圖在西河音張洛注上郡馬翊間○索隱曰三蒼圖作圖地理志

云園水出上郡白土縣西東流入河韋昭云圖當為圖續郡國志及太東地理志並作圖字也○正義曰括地志云白土

故城在鹽州白池東北三百九十里又云近延州綏州銀州本春秋時白狄所居七國屬魏後入秦秦置三十六郡洛陽

也也號曰赤翟白翟

索隱曰案左氏傳云晉師滅赤狄潞也今上黨

潞縣又春秋地名云今曰赤沙胡又晉師敗翟于箕却缺獲白翟子杜氏以為白翟之別種故西河郡有白部胡又國語

云桓公西征攘白翟之地遂至于西河也○正義曰括地志云潞州本赤狄地延銀綏三州白翟地按文言圖路之間號

赤狄秦穆公得由余西戎八國服於秦故自隴

以西有縣諸正義曰括地云縣諸城秦州秦嶺縣緄

戎正義曰上音昆字當作混顏師古云程獯之戎徐廣曰在

天水獯音丸○索隱曰地理志天水有綿諸道狄道應劭以

獯戎邑音桓○正義曰括地志云獯道故城在渭州襄武縣

東南三十七里古之獯岐梁山涇漆之北有義渠正義

戎邑漢獯道屬天水郡曰括地志云寧州慶州西戎即劉拘大荔

索隱曰韋昭云義渠本西戎國有王秦滅之今在北地郡秦

本紀屬共公伐大荔取其王城後更名臨晉故地理志云臨

晉故大荔國也○正義曰括地志同州馮翊縣及朝邑縣本

漢臨晉縣地古大荔戎國今朝邑縣東三十步故三城即大

荔三城荔徐廣曰在安定○正義曰氏音支括地志烏氏

力計反徐廣曰在安定○正義曰氏音支括地志烏氏

之故地後入戎秦惠胸衍之戎徐廣曰在北地地胸音頂

王取之置烏氏縣也胸衍之戎○索隱曰案地理志

衍縣名在北地鄭氏音吁○正義曰括地

鹽州古成狄居之即胸衍戎之地秦北地

林胡正義曰括地志云朔州春秋時比樓煩之戎索

曰如淳云林胡即脩林為李牧所滅也地

隱門應劭云故樓煩胡也○正義曰括地

地也風俗通云燕北有東胡山戎漢書音義曰烏丸或

以樓煩故地也鮮卑○索隱曰服

書云東胡烏丸之先後為鮮卑在匈奴東故曰東胡案續漢

書曰漢初匈奴冒頓滅其國餘類保烏桓山以為號俗隨水

草居無常處桓以之名烏號為各分散居谿谷自有

姓父子男女悉髡頭為輕便也

君長往往而聚者百有餘戎然莫能相一自是

之後百有餘年晉悼公使魏絳和戎翟戎翟朝

晉後百有餘年趙襄子踰句注音鈞山名在鴈門○

而破并代以臨胡貉索隱曰案貉即其

名在應陰館

長安

後既與韓魏共滅智伯分晉地而有之則趙有  
代句注之北魏有河西上郡以幽燕戎界邊其後  
義渠之戎築城郭以自守而秦昭王擊魏盡入西河  
王遂拔義渠二十五城惠王擊魏魏盡入西河  
及上郡于秦秦昭王時義渠戎工與宣太后昭  
母亂有二子宣太后詐而殺義渠戎王於甘泉  
遂起兵伐殘義渠於是秦有隴西北地上郡築  
長城以拒胡而趙武靈王亦變公胡服習騎射  
北破林胡樓煩築長城正義曰括地志云趙武靈王  
長城在朔州善陽縣北案長  
試水經云白道長城北山上有長垣正位類  
馮公奚巨嶺東西元極蓋趙靈王所築也  
自代並立曰

白浪陰山索隱曰徐廣云西安陽縣北有陰山陰山在河  
南湯山北也○正義曰括地志云陰山在朔州  
反北塞外下至高關為塞徐廣曰在朔方○正義曰地理志  
云朔方臨戎縣北有連山險於長  
城其山中斷兩峯俱  
峻上俗名為高關也而置雲中鴈門代郡其後燕  
有賢將秦開為質於胡胡甚信之歸而襲破走  
東胡東胡卻千餘里與荆軻刺秦王秦舞陽者  
開之孫也燕亦築長城自造陽韋昭曰地名在上谷  
○正義曰按上谷郡  
今之縣至襄平索隱曰韋昭云  
今遼東郡理也置上谷漁陽右北平  
遼西遼東郡以拒胡當是之時冠帶戰國七而  
三國邊於匈奴索隱曰案三  
國燕趙秦也其後趙將李牧時匈  
奴不敢入趙邊後秦滅六國而始皇帝使蒙恬

將十萬之衆北擊胡悉收河南地因河爲塞索隱曰案大康地記秦塞自五原北九里謂之造陽東行終利賈山南漢陽西是也築四十四縣城

臨河徙適戍以充之適音丁革反而通直道索隱曰蘇

安八千里正南自九原至雲陽索隱曰韋昭云九原縣北相直道也

地志云勝州連谷縣本秦九原郡漢武帝更名五原雲陽雍

縣秦之林光宮即漢之甘露宮爲焉又云秦故道在慶州華

池縣西四十五里子午山上自九原至雲陽下八百里

者治之起臨洮至遼東萬餘里索隱曰韋昭曰臨洮隴西縣正義曰括

陽山北假中北假北方田官字以田假北與負人故云北假

云北假地名也○正義曰括地志云漢五原郡河日縣故城

在北假中北假地名也在河北今屬勝州城縣漢書王莽

傳云五原北假膏壤殖穀也當是之時東胡疆而月氏盛

括地志云涼甘肅延沙等州地本月氏國匈奴單于

然○索隱曰案單于姓纛鞮氏其國稱之曰揅黎孤塗單于

而匈奴謂天爲揅黎謂子爲孤塗單于者廣大之貌也言其

象天故曰揅黎孤塗單于又玄晏春秋云士安讀漢書不詳

此言有胡奴在側言之曰此胡所謂天子與古書所說符會

也曰頭曼韋昭曰音瞞○索隱曰曼音莫官反頭曼不勝秦北徙十

餘年而蒙恬死諸侯畔秦中國擾亂諸秦所徙

適戍邊者皆復去於是匈奴得寬復稍度河南

與中國界於故塞單于有太子名冒頓索隱曰冒音墨又如

字後有所愛闕氏索隱曰闕氏舊音曷氏匈奴皇后號也習鑿齒與燕王書云山下有紅藍

足下先知不北方人採取其花染緋黃接取其上英鮮者作

胭脂婦人採將用爲顏色吾少時再三過見胭脂今日始親



紅藍後當足致其種匈奴名妻作閼氏今可音烟支想足下先亦不作此讀漢書也生少子而單

于欲廢冒頓而立少子乃使冒頓質於月氏冒

頓既質於月氏而頭曼急擊月氏月氏欲殺冒

頓冒頓盜其善馬騎之亡歸頭曼以為壯令將

萬騎冒頓乃作為鳴鏑漢書音義曰鏑箭也如今鳴射也韋昭曰矢鏑飛則鳴

索隱曰應劭云鏑箭也習勒其騎射令曰鳴鏑所射而不悉

射者斬之行獵鳥獸有不射鳴鏑所射者輒斬

之已而冒頓以鳴鏑自射其善馬左右或不敢

射者冒頓立斬不射善馬者居頃之復以鳴鏑

自射其愛妻左右或頗恐不敢射冒頓又復斬

之居頃之冒頓出獵以鳴鏑射單于善馬左右

皆射之於是冒頓知其左右皆可用從其父單

于頭曼獵以鳴鏑射頭曼其左右亦皆隨鳴鏑

而射殺單于頭曼遂盡誅其後母與弟及大臣

不聽從者冒頓自立為單于冒頓既立徐廣曰秦二世元年

壬辰歲立是時東胡彊盛聞冒頓殺父自立乃使使

謂冒頓欲得頭曼時有千里馬冒頓問羣臣羣

臣皆曰千里馬匈奴寶馬也勿與冒頓曰奈何

與人鄰國而愛一馬乎遂與之千里馬居頃之

東胡以為冒頓畏之乃使使謂冒頓欲得單于

一闕氏冒頓復問左右左右皆怒曰東胡無道  
乃求闕氏請擊之冒頓曰奈何與人鄰國愛一  
女子乎遂取所愛闕氏予東胡東胡王愈益驕  
西侵與匈奴間中有棄地莫居千餘里各居其  
邊為甌脫韋昭曰界上屯守處○索隱曰服虔云作土室以伺漢人又纂文曰甌脫土穴也又云是地名故下云生得甌脫王甌音一侯反脫音同活反○正義曰按境上斥堠之室為甌脫也東胡使使  
謂冒頓曰匈奴所與我界甌脫外棄地匈奴非  
能至也吾欲有之冒頓問羣臣羣臣或曰此棄  
地予之亦可勿與亦可於是冒頓大怒曰地者  
國之本也奈何予之諸言予之者皆斬之冒頓

上馬令國中有後者斬遂東襲擊東胡東胡初  
輕冒頓不為備及冒頓以兵至擊大破滅東胡  
王而虜其民人及畜產既歸西擊走月氏南并  
樓煩白羊河南王索隱曰如淳曰白羊王居河南侵燕代悉復收  
秦所使蒙恬所奪匈奴地者與漢關故河南塞  
至朝那膚施徐廣曰在上郡○正義曰漢朝那故城在原州百泉縣西七十里屬安定郡膚施縣秦因不改今延州膚施縣是遂侵燕代是時漢兵與項羽相距中  
國罷於兵革以故冒頓得自彊控弦之士三十  
餘萬自淳維以至頭曼千有餘歲時大時小別  
散分離尚矣其世傳不可得而次云然至冒頓

而匈奴最疆大盡服從北夷而南與中國為敵

國其世傳國官號乃可得而記云置左右賢王

左右谷彘王服虔曰谷音鹿彘音離左右大將左

右大都尉左右大當戶左右骨都侯骨都異姓大

裴氏所引據後漢書下呼衍注亦然匈奴謂賢曰屠耆徐廣曰屠耆故

常以太子為左屠耆王自如左右賢以下至當

戶大者萬騎小者數千凡二十四長立號曰萬

騎諸大臣皆世官呼衍氏呼衍氏須卜氏蘭氏正義

曰顏師古云呼衍即今鮮卑姓呼延者也蘭姓今亦有之其後有須卜氏須卜氏主

義曰後漢書云呼衍氏須卜氏常與單于婚姻此三姓其貴種也諸左方王

將居東方直上谷索隱曰案姚氏云古字例以直為值

也言匈奴東方南出直當焉州也以往者東接穢貉朝鮮右方王

將居西方直上郡正義曰上郡故城在涇州上縣東南

以西接月氏氐羌索隱曰案風俗通云氏本西南夷種

云漢置武都郡排其種人分竄山谷或號青氏或號白氏纂

文云氏亦羊稱說文云羌西方牧羊人續漢書云羌三苗姜

姓之別舜徙于三危今阿闐之西南焉是也而單于之庭直代雲中索隱

謂匈奴所都處為庭樂彥云單于無城郭不知何以國之穹

盧前地若庭故云庭正義曰代郡城北狄代國秦漢代縣

城也在蔚州羌胡縣北百五十里雲中故城趙雲中城秦雲

中郡在勝州榆林縣東北四十里言匈奴之南直當代雲中也各有分地逐水草移徙而左右賢王左右谷

彘王最為大國左右骨都侯輔政諸二十四長

亦各自置千長百長什長

索隱曰安未續漢書郡國志云里有魁又有什伍里魁

掌一里百家什主十家伍長五家以相檢察故賈誼過秦論以為俛起什百之中是也

裨小王相

封一作將都尉當戶且渠之屬

正義曰且子餘反顏師古云今之沮

渠姓蓋本因此官

歲正月諸長小會單于庭祠五月大

會籠城

索隱曰漢書作籠城亦籠字崔浩云西方胡皆事龍神故名大會處為籠城後漢書云匈奴俗歲有

三龍祠祭天神

登其先天地鬼神秋馬肥大會

蹄林漢書音義曰匈奴

收秋社八月中皆會祭處蹄音帶○索隱曰鄭氏云蹄林地名也晉灼曰李陵與蘇武書云相競趨蹄林則服虔說是也

又韋昭音多藍反姚氏案李牧傳大破匈奴滅澹濫此字與韋昭音頗同然林濫聲相近或以林為濫也○正義曰顏師

古云蹄者遶林木而祭也鮮卑之俗自古相傳秋祭无林木者尚豎柳枝衆騎馳遶三周乃止此其遺法也

課

校人畜

正義曰許又反

計其法拔刃尺者死坐盜者沒

入其家有小者軋

漢書曰音義曰刃列其面○索隱曰軋杖也三蒼云軋輾也說文云輾輾也如淳云軋師古云軋者謂輾轢其骨節若今之厭之厭也

獄久者不過十日一國之囚不過數人而單于

大者死

朝出營拜日之始生夕拜月其坐長左而北鄉

正義曰其座北向長者在左以左為尊也

日上戊巳其送死有棺擲金

銀衣裘而無封樹喪服

張華曰匈奴

近幸臣妾從

死者多至數千百人

正義曰漢書作數十百人顏師古云或數十人或百人

舉

事而候星月月盛壯則攻戰月虧則退兵其攻

戰斬首虜賜一卮酒而所得鹵獲因以予之得

人以為奴婢故其戰人人自為趨利善為誘兵

以冒敵故其見敵則逐利如鳥之集其困敗則  
瓦解雲散矣戰而扶輿死者盡得死者家財後  
北服渾庾屈射丁靈索隱曰魏略云丁靈在康居北去  
北有渾庾國射  
音亦又音石萬昆薪犁之國正義曰已上五  
國在匈奴北於是  
匈奴貴人大臣皆服以冒頓單于為賢是時漢  
初定中國徙韓王信於代都馬邑匈奴大攻圍  
馬邑韓王信降匈奴匈奴得信因引兵南踰句  
注攻太原至晉陽下高帝自將兵往擊之會冬  
大寒雨雪卒之墮指者十二三於是冒頓詳敗  
走誘漢兵漢兵逐擊冒頓冒頓匿其精兵見其

羸弱於是漢悉兵多步兵三十二萬北逐之高

帝先至平城徐廣曰在鴈門步兵未盡到冒頓縱精兵

四十萬騎圍高帝於白登正義曰白登臺在白登山  
上朔州定襄縣東三十里

定襄縣漢  
平城縣也七日漢兵中外不得相救餉匈奴騎其

西方盡白馬東方盡青驪馬索隱曰驪音武江反  
安索青驪青色馬也

北方盡烏驪馬索隱曰  
曰說

南方盡駢馬索隱曰案詩傳  
曰赤黃曰駢高帝乃使使

間厚遺閼氏閼氏乃謂冒頓曰兩主不相困今

得漢地而單于終非能居之也且漢王亦有神

單于察之冒頓與韓王信之將王黃趙利期而

單于察之冒頓與韓王信之將王黃趙利期而

黃利兵又不來疑其與漢有謀亦取閼氏之言  
乃解圍之一角於是高帝令士皆持滿傳矢外  
鄉索隱曰從解角直出竟與大軍合而冒頓遂  
引兵而去漢亦引兵而罷使劉敬結和親之約  
是後韓王信為匈奴將及趙利王黃等數倍約  
侵盜代雲中居無幾何陳豨反又與韓王合謀  
擊代漢使樊噲往擊之復拔代鴈門雲中郡縣  
不出塞是時匈奴以漢將衆往降故冒頓常往  
來侵盜代地於是漢患之高帝乃使劉敬奉宗  
室女公主為單于閼氏歲奉匈奴絮綰酒米食

物各有數約為昆弟以和親冒頓乃少止後燕  
王盧綰反率其黨數千人降匈奴往來苦上谷  
以東高祖崩孝惠呂太后時漢初定故匈奴以  
驕冒頓乃為書遺高后妄言高后欲擊之索隱曰案  
漢書云高后時冒頓意驕乃使使遺高后書曰孤憤之君生  
於沮澤之中長於平野牛馬之域數至邊境願遊中國陛下  
獨立孤憤獨居兩主不樂無以自娛諸將曰以高帝賢  
武然尚困於平城於是高后乃止索隱曰案漢書  
止復與匈奴和親至孝文帝初立復脩和親之  
事其三年五月匈奴右賢王入居河南也侵盜  
上郡葆塞蠻夷殺略人民於是孝文帝詔丞相

灌嬰發車騎八萬五千詣高奴正義延州城本擊

右賢王右賢王走出塞文帝幸太原是時濟北

王反文帝歸罷丞相擊胡之兵其明年單于遺

漢書曰天所立匈奴大單于敬問皇帝無恙前

時皇帝言和親事稱書意合歡漢邊吏侵侮右

賢王右賢王不請聽後義盧侯難氏徐廣曰音支

名也等計與漢吏相距絕二主之約離兄弟之

親皇帝讓書再至發使以書報不來漢使不至

漢以其故不和鄰國不附今以小吏之敗約故

罰右賢王使之西求月氏擊之以天之福吏卒

良馬彊力以夷滅月氏盡斬殺降下之定樓蘭

徐廣曰一云樓湟。正義曰漢書云鄯烏孫呼揭音洪

善國名樓蘭去長安一千六百里也及其旁二十

六國皆以為匈奴索隱曰案謂皆諸引弓之民并

為一家北州已定願寢兵休士卒養馬除前事

復故約以安邊民以應始古使少者得成其長

老者安其處世世平樂未得皇帝之志也故使

郎中係雲淺奉書雲音火胡反。索隱曰請獻橐他

一匹騎馬二匹駕二駟正義曰願師古云駕可皇帝

即不欲匈奴近塞則且詔吏民遠舍使者至即

遣之以六月中來至新望之地

漢書音義曰塞下地名○索隱曰服虔云

漢界上塞下之地今匈奴使至於此也

書至漢議擊與和親孰便公

卿皆曰單于新破月氏乘勝不可擊且得匈奴

地澤鹵

正義曰上音息

非可居也和親甚便漢許之孝

文皇帝前六年漢遺匈奴書曰皇帝敬問匈奴

大單于無恙使郎中係雲淺遺朕書曰右賢王

不請聽後義盧侯難氏等計絕二主之約離兄

弟之親漢以故不和鄰國不附今以小吏敗約

故罰右賢王使西擊月氏盡定之願寢兵休士

卒養馬除前事復故約以安邊民使少者得成

其長老者安其處世世平樂朕甚嘉之此古聖

主之意也漢與匈奴約為兄弟所以遺單于甚

厚倍約離兄弟之親者常在匈奴然右賢王事

已在赦前單于勿深誅單于若稱書意明告諸

吏使無負約有信敬如單于書使者言單于自

將伐國有功甚苦兵事服繡袷綺衣繡袷長襦

徐廣曰一本無袷字○索隱曰案小顏云服者言天子自所

服也以繡為表綺為裏以賜冒頓字林云袷衣無絮也音公

洽錦袷袍各一比余一

徐廣曰或作踈比也○索隱曰案漢書作比踈一比立音鼻小顏

帶一

漢書音義曰要中大帶

黃金胥紕一

徐廣曰或作犀毗而無一字○索隱曰漢書見

云解髮之飾也以金為之廣雅云比櫛也蒼頡篇云靡者為比金鹿者為梳蘇林云今亦謂之梳



作犀毗此作胥者胥犀聲相近或誤張晏云鮮卑郭落帶瑞獸名也東胡好服之戰國策云趙武靈王賜周紹見帶黃金師比延篤云胡革帶鈎也則此帶鈎亦名師比則胥犀與師並相近而說各異耳班固與竇憲牋云賜犀比金頭帶是也

繡十匹錦三十匹赤綈正義曰音啼綠繒各四十匹

索隱曰案說文云緋厚縉也使中大夫意謁者令有遺單于後

頃之冒頓死子稽粥立索隱曰稽音雞粥音育號曰老上

單于老上稽粥單于初立徐廣曰一云稽粥第二單于自後皆以弟別之孝

文皇帝復遣宗室女公主為單于閼氏使官者

燕人中行說正義曰行音胡郎反中行姓說名也傳公主說不欲行

漢彊使之說曰必我行也為漢患者中行說既

至因降單于單于甚親幸之初匈奴好漢繒絮

食物中行說曰匈奴人衆不能當漢之一郡然

所以彊者以衣食異無仰於漢也今單于變俗

好漢物漢物不過什二則匈奴盡歸於漢矣韋昭

曰言漢物十中之二入匈奴匈奴則動心歸漢矣其得漢繒絮以馳草棘中

衣袴皆裂敝以示不如旃裘之完善也得漢食

物皆去之以示不如湏酪之便美也湏乳汁也音都奉反○索

隱曰字林云湏音竹用反穆天子傳云牛馬之湏曰菟人所具也於是說教單于左右

䟽記以計課其人衆畜物正義曰上許又反漢遺單于書

牘以尺一寸辭曰皇帝敬問匈奴大單于無恙

所遺物及言語云云中行說令單于遺漢書以

功緩則罷於作業嗟土室之人顧無多辭令喋

喋音謀利而佔佔昌占反冠固何當言雖復著冠固何當所益也

隱曰鄧展曰佔囁耳語服虔曰口舌為喋如淳曰汝漢人多口居室中固自宜著冠且不足貴也小顏云言漢人且當思

念無為喋喋佔佔耳雖自謂著冠何所當益也自是之後漢使欲辯論者中

行說輒曰漢使無多言顧漢所輸匈奴繒絮米

蘖令其量中必善美而已矣何以為言乎且所

給備善則已不備苦惡韋昭曰苦也音若靡鹽之監則候秋孰

以騎馳蹂而稼穡耳徐廣曰蹂音而九反日夜教單于候利

害處漢孝文皇帝十四年匈奴單于十四萬騎

入朝那蕭關殺北地都尉印徐廣曰姓孫其子單于為餅侯白丁反索隱曰

印音三虜人民畜產甚多遂至彭陽徐廣曰在安定正義曰

城字誤也括地志云彭城故城在涇州臨城縣東二十里秦彭城在媯州與北地郡其遠明非彭城也使奇

兵入燒回中宮索隱曰服虔云回中在北地武帝作宮始皇本紀三十七年巡雞頭山過回中

武帝元封四年通回中道正義曰括地志云秦回中宮在岐州雍縣西四十里即匈奴所燒者也候騎至

雍甘泉索隱曰崔浩云候羅騎正義曰括地志云雲陽也秦之林光宮漢之甘泉在雍州雲陽西北八十里秦始皇作甘泉宮云長安二百里於是文帝以中尉

望見長安秦皇帝以來祭天團兵處

周舍郎中令張武為將軍發車千乘騎十萬軍

長安旁以備胡寇而拜昌侯盧卿為上郡將軍

索隱曰案表盧作旅古今字異耳竈侯魏遯為北地將軍隆慮侯

周竈為隴西將軍東陽侯張相如為大將軍成

侯董赤

正義曰音赫

為前將軍大發車騎往擊胡

徐廣

曰內史欒布亦為將軍

單于留塞內月餘乃去漢逐出塞即

還不能有所殺匈奴日已驕歲入邊殺略人民

畜產甚多雲中遼東最甚至代郡萬餘人漢患

之乃使使遺匈奴書單于亦使當戶報謝復言

和親事孝文帝後二年使使遺匈奴書曰皇帝

敬問匈奴大單于無恙使當戶且居雕渠難

曰漢書作且渠匈奴官號樂彥云當戶且渠各自一官雕渠難為此官也○正義曰難渠難者其姓名也且子余反郎

中韓遼遺朕馬二匹已至敬受先帝制長城以

北引弓之國受命單于長城以內冠帶之室朕

亦制之使萬民耕織射獵衣食父子無離臣主

相安俱無暴逆今聞漂惡民貪降其進取之利

倍義絕約忘萬民之命離兩主之驩然其事已

在前矣書曰二國已和親兩主驩說寢兵休卒

養馬世世昌樂闡然更始徐廣曰闡音掄安定意也朕甚嘉之

聖人者日新改作更始使老者得息幼者得長

各保其首領而終其天命朕與單于俱由此道

順天恤民世世相傳施之無窮天下莫不咸便

漢與匈奴鄰國之敵匈奴處北地寒殺氣早降

故詔吏遺單于林蘄金帛絲絮作物歲有數今

天下大安萬民熙熙朕與單于為之父母朕追  
念前事薄物細故謀臣計失皆不足以離兄弟  
之驩朕聞天不頗覆地不偏載朕與單于皆捐  
徃細故俱蹈大道隋壞前惡以圖長久使兩國  
之民若一家子元元萬民下及魚鼈上及飛鳥  
跋行喙息蠕動之類索隱曰案跋音岐又音企言蟲鳥之類或以踵而行或以喙而  
息皆得其安也二蒼君云蠕蠕動貌音軟淮南云此蟲蠕動也莫不就安利而辟危  
殆故來者不止天之道也俱去前事朕釋逃虜  
民單于無言章尼等索隱曰案文帝云我今日並釋放彼國逃亡虜遺之歸本國汝  
單于無得更以言詞訴於章尼等責其違逃也朕聞古之帝王約分明而無

食言單于留志天下大安和親之後漢過不先  
單于其察之單于既約和親於是制詔御史曰  
匈奴大單于遺朕書言和親已定亡人不足以  
益眾廣地匈奴無入塞漢無出塞犯令約者殺  
之可以久親後無咎俱便朕已許之其布告天  
下使明知之後四歲老上稽粥單于死子軍臣  
立為單于既立徐廣曰後元三年立孝文皇帝復與匈奴和  
親而中行說復事之軍臣單于立四歲徐廣曰孝文後元七年  
年弱而二年答單于書其間五年而此云後四年又立四歲數不容爾也孝文後六年冬匈奴入上郡雲中也匈奴  
復絕和親大入上郡雲中各三萬騎所殺略甚

衆而去於是漢使三將軍軍屯北地代屯句注  
趙屯飛狐口緣邊亦各堅守以備胡寇又置三  
將軍軍長安西細柳渭北棘門霸上以備胡胡  
騎入代句注邊烽火通於甘泉長安數月漢兵  
至邊匈奴亦去遠塞漢兵亦罷後歲餘孝文帝  
崩孝景帝立而趙王遂乃陰使人於匈奴吳楚  
反欲與趙合謀入邊漢圍破趙匈奴亦止自是  
之後孝景帝復與匈奴和親通關市給遺匈奴  
遣公主如故約終孝景時時小入盜邊無大寇  
武帝即位明和親約束厚遇通關市饒給之

自單于以下皆親漢往來長城下漢使馬邑下

人聶翁壹索隱曰衛青傳唯稱聶翁故頌氏云壹名也老故稱翁義或然也奸蘭奸音

出物與匈奴交漢書音義曰私出塞與匈奴交市詳為賣

馬邑城以誘單于單于信之而貪馬邑財物乃

以十萬騎入武州塞索隱曰蘇林云在雁門也漢伏兵三十餘

萬馬邑旁御史大夫韓安國為護軍護四將軍

以伏單于單于既入漢塞未至馬邑百餘里見

畜布野而無人牧者恠之乃攻亭是時雁門尉

史行微索隱曰如淳云近塞郡皆置尉百里一人士史尉史各二人也見寇葆此亭

知漢兵謀單于得欲殺之徐廣曰一云乃尉史乃

蘭犯林私出物也

索隱曰蘇林云在雁門也

奸音

徐廣曰一云乃

告單于漢兵所居單于大驚曰吾固疑之乃引兵還出曰吾得尉史天也天使若言以尉史為天王漢兵約單于入馬邑而縱單于不至以故漢兵無所得漢將軍王恢部出代擊胡輜重聞單于還兵多不敢出漢以恢本造兵謀而不進斬恢韓長孺傳曰恢自殺自是之後匈奴絕和親攻當路塞索隱曰蘇林云直當道之塞往往入盜於漢邊不可勝數然匈奴貪尚樂關市嗜漢財物漢亦尚關市不絕以中之正義曰如淳云得具以利中傷之自馬邑軍後五年之秋漢使四將軍各萬騎擊胡關市下將軍衛青出

上谷至龍城得胡首虜七百人公孫賀出雲中無所得公孫敖出代郡為胡所敗七千餘人李廣出鴈門為胡所敗而匈奴生得廣廣後得云歸漢囚敖廣敖廣贖為庶人其冬匈奴數入盜邊漁陽尤甚漢使將軍韓安國屯漁陽備胡其明年秋匈奴二萬騎入漢殺遼西太守略二千餘人胡又入敗漁陽太守軍千餘人圍漢將軍安國安國時千餘騎亦且盡會燕救至匈奴乃去匈奴又入鴈門殺略千餘人於是漢使將軍衛青將三萬騎出鴈門李息出代郡擊胡得首

虜數千人其明年衛青復出雲中以西至隴西擊胡之樓煩白羊王於河南得胡首虜數千牛羊百餘萬於是漢遂取河南地築朔方復繕故秦時蒙恬所為塞因河為固漢亦棄上谷之什

音辟縣造陽地以予胡

漢書音義曰言縣斗辟西近胡○索隱曰辟音僻造陽即

斗辟縣中地○正義曰按曲幽辟縣入匈奴界者造陽地奔與胡也

是歲漢之元朔二年

也其後冬匈奴軍臣單于死軍臣單于弟左谷

豕蝨王伊稚斜自立為單于

索隱曰稚音持利反斜音士嗟反斜鄒誕生音直牙

反蓋稚斜胡人語近得其實

攻破軍臣單于太子於單

索隱曰於單音丹

單于降漢漢封單于為涉安侯數月而死伊稚

斜單于既立其夏匈奴數萬騎入殺代郡太守恭及略千餘人其秋匈奴又入鴈門殺略千餘人其明年匈奴又復入代郡定襄

正義曰括地志云定襄故城在

朔州善陽縣北二百八十里地理志定襄郡高帝置也

上郡各三萬騎殺略數

千人匈奴右賢王怨漢奪之河南地而築朔方

數為寇盜邊及入河南侵擾朔方殺略吏民甚

眾其明年春漢以衛青為大將軍將六將軍十

餘萬人出朔方高闕擊胡右賢王以為漢兵不

能至飲酒醉漢兵出塞六七百里夜圍右賢王

右賢王大驚脫身逃走諸精騎往往隨後去漢

得右賢王眾男女萬五千人裨小王十餘人其  
秋匈奴萬騎入殺代郡都尉朱英略千餘人其  
明年春漢復遣大將軍衛青將六將軍兵十餘  
萬騎乃再出定襄數百里擊匈奴得首虜前後  
凡萬九千餘級而漢亦亡兩將軍軍三千餘騎  
徐廣曰合有三千耳右將軍建正義曰蘇武父也得以身脫而前將軍  
翕侯趙信兵不利降匈奴趙信者故胡小王降  
漢漢封為翕侯以前將軍與右將軍并軍分行  
正義曰與大軍別行也獨遇單于兵故盡沒單于既得翕侯  
以為自次王正義曰自次者尊重次於單于用其姊妻之與謀漢信

單于益北絕幕應劭曰幕沙幕匈奴之南界以誘

罷漢兵徵極而取之索隱曰罷音疲徵要也謂要其疲

徵要也要漢兵疲極則取之無近塞居止無近塞單于從其計其明年

胡騎萬人入上谷殺數百人其明年春漢使驃

騎將軍去病將萬騎出隴西過焉支山正義曰焉音烟括地

志云焉支山一名刪丹山在甘州刪丹縣東南五十里西河

故事云匈奴奴祁連焉支二山乃識曰亡我祁連山使我六畜不蕃息失我焉支山使我婦千餘里擊匈奴得胡首

虜騎萬八千餘級破得休屠王祭天金人漢書音義曰匈奴

奴祭天處本在雲陽甘泉山下秦奪其地後徙之休屠王右

地故休屠有祭天金人祭天人也○索隱曰韋昭云休屠金人以為祭天主崔浩云胡祭以金人為王人浮圖金人是也

孟說恐不然案得休屠金人後置之於甘泉也○正義曰括



地志云徑路祠神在雍州雲陽縣西北九十里甘泉山下本  
匈奴祭天處秦奪其地後徙休屠屠右地按金人即金佛像是  
其遺法立以其夏驃騎將軍復與合騎侯數萬騎  
為祭天主也

出隴西北地二千里擊匈奴過居延索隱曰韋昭曰張掖縣

攻祁連山索隱曰西河舊事云山在張掖酒泉二界上東

夏涼宜畜牧養匈奴失二山乃歌云我祁連山使我六畜  
不蕃息失我燕支山使我嫁婦無顏色祁連一名天山亦曰

白山得胡首虜三萬餘人裨小王以下七十餘

人是時匈奴亦來入代郡鴈門殺略數百人漢

使博望侯及李將軍廣出右北平擊匈奴右賢

王右賢王圍李將軍卒可四千人且盡殺虜亦

過當會博望侯軍救至李將軍得脫漢失亡數

千人合騎侯後驃騎將軍期及與博望侯皆當

死贖為庶人其秋單于怒渾耶王休屠王居西

方為漢所殺虜數萬人欲召誅之渾耶王與休

屠王恐謀降漢徐廣曰元符二年也漢使驃騎將軍往迎

之渾耶王殺休屠王并將其眾降漢凡四萬餘

人號十萬於是漢已得渾邪王則隴西北地河

西益少胡寇徙關東貧民處所奪匈奴河南新

秦中以實之索隱曰如淳云在長安以北朔方以南漢書

○正義曰服虔云地名在北地廣六七百里長安北朔方南

史記以為秦始皇遣蒙恬斥逐北故得肥饒之地七百里徙

內郡人民皆往充實而減北地以西戍卒半其明

年匈奴入右北平定襄各數萬騎殺略千餘人而去其明年春漢謀曰翁侯信為單于計居幕北以為漢兵不能至乃粟馬發十萬騎負私從

正義曰謂負擔衣糧私慕從者凡十四萬疋

馬凡十四萬匹糧重不與焉

令大將軍青驃騎將軍去病中分軍大將軍出定襄驃騎將軍出代咸約絕幕擊匈奴匈奴單于聞之遠其輜重以精兵待於幕北與漢大將軍接戰一日會暮大風起漢兵縱左右翼圍單于單于自度戰不能如漢兵單于遂獨身與壯騎數百潰漢圍西北遁走漢兵夜追不得行斬

捕匈奴首虜萬九千級北至闐顏山趙信城而

還

如淳曰信前降匈奴匈奴築城居之

單于之遁走其兵往往與漢

兵相亂而隨單于單于久不與其大眾相得其右谷彘王以為單于死乃自立為單于真單于

復得其眾而右谷彘王乃去其單于號復為右

谷彘王漢驃騎將軍之出代二千餘里與左賢

王接戰漢兵得胡首虜凡七萬餘級左賢王將

皆遁走驃騎封於狼居胥山禪姑衍臨翰海而

還

如淳曰翰海北海名○正義曰按翰海自一大海名羣鳥解羽伏乳於此因名也

是後匈奴

遠遁而幕南無王庭漢度河自朔方以西至今

居徐廣曰在金城○索隱曰地理志云張掖令居縣姚氏今音連小顏音乘往往通渠置

田官吏卒五六萬人稍蠶食地接匈奴以北正義

曰匈奴舊以幕為王庭今遠徙幕北更初漢兩將軍大

出圍單于所殺虜八九萬而漢士卒物故亦數

萬索隱曰案釋名云漢以來謂死為物故就朽故也又魏壹訪議高堂崇對曰聞之先師物無也故事也言無復所能

於事漢馬死者十餘萬匈奴雖病遠去而漢亦

馬少無以復往匈奴用趙信之計遣使於漢好

辭請和親天子下其議或言和親或言遂臣之

丞相長史任敞曰匈奴新破困宜可使為外臣

朝請於邊漢使任敞於單于單于聞敞計大怒

留之不遣先是漢亦有所降匈奴使者單于亦

輒留漢使相當漢元復收士馬會驃騎將軍去

病死於是漢久不北擊胡數歲伊稚斜單于立

十三年死子烏維立為單于是歲漢元鼎三年

也烏維單于立而漢天子始出巡郡縣其後漢

方南誅兩越正義曰南越東越不擊匈奴匈奴亦不侵入

邊烏維單于立三年漢已滅南越遣故太僕賀

將萬五千騎出九原二千餘里至浮苴井而還

索隱曰苴音子餘反一墳云不見匈奴一人漢又遣

故從驃侯趙破奴萬餘騎出令居數千里至匈

去九原二千里見漢輿地圖

奴河水而還索隱曰臣瓚云何水名去今居千里亦不見匈奴一人

是時天子巡邊至朔方勒兵十八萬騎以見武

節而使郭吉風告單于郭吉既至匈奴匈奴主

客韋昭曰王使來客官也問所使郭吉禮卑言好曰

吾見單于而口言單于見吉吉曰南越王頭已

懸於漢北闕今單于能即前與漢戰天子自將

兵待邊單于即不能即南面而臣於漢何徒遠

走亡匿於幕北寒苦無水草之地毋為也語卒

而單于大怒立斬王客見者而留郭吉不歸遷

之北海上正義曰北海即上海也蘇武亦遷也而單于終不肯為寇

於漢邊休養息士馬習射獵數使使於漢好辭

甘言求請和親漢使王烏等窺匈奴法漢

使非去節而以墨黥其面者不得入穹廬王烏

北地人習胡俗去其節黥面得入穹廬單于愛

之詳許甘言為遣其太子入漢為質正義音致以求

和親漢使楊信於匈奴是時漢東拔穢貉朝鮮

以為郡正義曰即玄菟樂浪二郡而西置酒泉郡正義曰今肅州以葭

絕胡與羌通之路漢又西通月氏大夏正義曰漢書西域傳

云大月氏國去長安城萬一千六百里本居燉煌郡連間冒頓單于破月氏而老上單于殺月氏王以頭為飲器月氏乃

遠去過大嶽而擊大夏而臣之都焉冰北為玉庭也又以公主妻烏孫王以分

臣之

匈奴西方之援國又北益廣田至胘雷音義曰胘雷地為塞漢書

名在烏孫北而匈奴終不敢以為言是歲翁侯

信死漢用事者以匈奴為已弱可臣從也揚信

為人剛直屈彊素非貴臣單于不親單于欲召

入不肯去節單于乃坐穹廬外見揚信揚信既

見單于說曰即欲和親以單于太子為質於漢

單于曰非故約故約漢常遣公主給繒絮食物

有品以和親而匈奴亦不擾邊今乃欲反古令

吾太子為質無幾矣正義曰幾音記言及古無所冀望也匈奴俗見

漢使非中貴人其儒先先先生也漢書作儒生也以為欲說折

其辯其少年以為欲刺折其氣每漢使入匈奴

匈奴輒報償漢留匈奴使匈奴亦留漢使必得

當乃肯止揚信既歸漢使王烏而單于復調以

甘言欲多得漢財物給謂王烏曰吾欲入漢見

天子面相約為兄弟王烏歸報漢漢為單于築

邸于長安匈奴曰非得漢貴人使吾不與誠語

匈奴使其貴人至漢病漢予藥欲愈之不幸而

死而漢使路充國佩二千石印綬往使因送其

喪厚葬直數千金曰此漢貴人也單于以為漢

殺吾貴使者乃留路充國不歸諸所言者單于

特空給王烏殊無意入漢及遣太子來質於是

匈奴數使奇兵侵犯邊漢乃拜郭昌為拔胡將

軍及浞野侯徐廣曰趙破奴屯朔方以東備胡路充國留

匈奴三歲單于死烏維單于立十歲而死于烏

師廬徐廣曰烏一作廬立為單于年少號為兒單于是

歲元封六年也自此之後單于益西北左方兵

直雲中右方直酒泉燉煌郡正義曰括地志云鐵勒

厥國北樂勝州經秦長城大美長路正北經砂磧十三日行至其國兒單于立漢使兩使

者一弔單于一弔右賢王欲以乖其國使者入

匈奴匈奴悉將致單于單于怒而盡留漢使漢

使留匈奴者前後十餘輩而匈奴使來漢亦輒

留相當是歲漢使二師將軍廣利西伐大宛而

令因杆正義曰音于將軍數築受降城其冬匈奴太

雨雪畜畜多飢寒死兒單于年少好殺伐國人多

不安左大都尉欲殺單于使人間告漢曰我欲

殺單于降漢漢遠即兵來迎我我即發初漢聞

此言故築受降城猶以為遠其明年春漢使浞

野侯破奴將二萬餘騎出朔方西北二千餘里

期至浚稽山而還索隱曰應劭云在武威縣北浞野侯既至期

而還左大都尉欲發而覺單于誅之發左方兵

擊浞野浞野侯行捕首虜數千人還未至受降  
城四百里匈奴兵八萬騎圍之浞野侯夜自出  
求水匈奴間捕生得浞野侯因急擊其軍軍中  
郭縱為護維王為渠正義曰為渠帥也相與謀曰及諸校  
尉畏亡將軍而誅之莫相勸歸軍遂沒於匈奴  
匈奴兒單于大喜遂遣奇兵攻受降城不能下  
乃寇入邊而去其明年單于欲自攻受降城未  
至病死兒單于立三歲而死子年少匈奴乃立  
其季父烏維單于弟右賢王音鈞又音吁犁湖為單  
于是歲太初三年也响犁湖單于立漢使光祿

徐自為出五原塞

正義曰即五原郡榆林塞也

數百

里遠者千餘里築城郭列亭

正義曰顧胤云郭山中小城亭候望所居也

至盧朐

音衢匈奴地名又山名○正義曰括地志云五原郡相陽縣北出石門郭得光祿城又西北得支就

縣又西北得頭曼城又西北得牢城河又西北得宥虜城按即築城郭列亭至虜胸也服虔云盧匈奴地名也張晏云山

名也而使游擊將軍韓說長平侯衛伉屯其旁使

疆弩都尉路博德築居延澤上

正義曰括地云漢居延縣故城在甘

州張掖縣東北千五百三十里有漢遮虜郭強弩尉路博德之所築李陵敗與士眾期至遮虜郭即此也長老傳云郭北

西北是李陵戰地也其秋匈奴大入定襄雲中殺略

數千人敗數二千石而去行破壞光祿所築城

列亭郭又使右賢王入酒泉張掖略數千人會

任文擊救

漢書曰音義曰漢將也

盡復失所得而去是歲貳

師將軍破大宛斬其王而還匈奴欲遮之不能

至其冬欲攻受降城會單于病死响犁湖單于

立一歲死匈奴乃立其弟左大都尉且鞮侯為

單于索隱曰且音子餘反鞮音低漢既誅大宛威震外國天子

意欲遂因胡乃下詔曰高皇帝遺朕平城之憂

高后時單于書絕悖逆昔齊襄公復百世之讎

春秋大之公羊傳曰九世猶可以復讎平雖百世可知也是歲太初四年也

且鞮侯單于既立盡歸漢使之不降者路充國

等得歸單于初立恐漢襲之乃自謂我兒子安

敢望漢天子漢天子我丈人行也

正義曰漢遣胡郎反

中郎將蘇武厚幣賂遺單于單于益驕禮甚倨

非漢所望也其明年浞野侯破奴得亡歸漢其

明年漢使貳師將軍廣利以三萬騎出酒泉擊

右賢王於天山正義曰在伊川得胡首虜萬餘級而還

匈奴大圍貳師將軍幾不脫漢兵物故什六七

漢復使因杆將軍敖出西河與彊弩都尉會涿

涂山

徐廣曰涂音邪○索隱曰涿音卓涂音以奢者反○正義曰匈奴中山也

毋所得又

使騎都尉李陵將步騎五千人出居延北千餘

里與單于會合戰陵所殺傷萬餘人兵及食盡



欲解歸匈奴圍陵降匈奴其兵遂没得還者四百人單于乃貴陵以其女妻之後二歲復使貳師將軍將六萬騎步兵十萬出朔方疆弩都尉路博德將萬餘人與貳師會游擊將軍說將步騎三萬人出五原因杆將軍數將萬騎步兵三萬人出鴈門匈奴聞悉遠其累重於余吾水北徐廣曰余一作斜音邪○索隱曰山海經云北鮮之山鮮水出焉北流注余吾○正義曰累力為反重大用反而單于以十萬騎待水南與貳師將軍接戰貳師乃解而引歸與單于連戰十餘日貳師聞其家以巫蠱族滅因并衆降匈奴徐廣曰案史記將相年表及漢書征和二年巫

蠱始起三年廣利與商丘成出擊手胡軍敗乃降得來還千人一兩人耳正義曰

此以下上至貳師聞其家非天漢四年事似錯誤人所知游擊說無所得因杆數

與左賢王戰不利引歸是歲徐廣曰天漢四年漢兵之出

擊匈奴者不得言功多少功不得御正義曰御音

相御當也有詔捕太醫賈令隨但言貳師將軍家室族

滅使廣利得降匈奴索隱曰漢書云明年且鞮死長子狐鹿姑單于立張晏云自狐

鹿如單于已下皆劉向褚先生所錄班彪又撰而次之所以漢書匈奴傳有上下兩卷

太史公曰孔氏著春秋隱桓之間則章至定哀

之際則微索隱曰案韓國要禮云也仲尼仕於定哀為

其切當世之文而罔褒忌諱之辭也索隱曰案罔者無也謂其

無實而喪之是也 世俗之言匈奴者患其微一時

權徐廣曰微音皎○索隱曰微音工堯反言求而務調

納其說索隱曰說音稅以便偏拍不參索隱曰案謂說者

徵求一時權幸但務諂進其說以彼已將率詩云彼已

自便其偏拍不參詳終始利害也隱曰彼已者猶詩人譏詞云彼已之席中國廣大氣奮

人主因以決策是以建功不深堯雖賢興事業

不成得禹而九州寧正義曰言堯雖賢聖不能獨理得

賢將相而務諂納小人浮說多伐匈奴故壞齊且欲與聖

統唯在擇任將相哉唯在擇任將相哉

索隱述贊曰

儉狃葷粥 居于北邊 既稱夏裔

式憬周篇 頗隨畜牧 屢擾塵煙

爰自頓冒 尤聚控弦 雖空帑藏

未盡中權

衛將軍驃騎列傳第五十一 史記百一十一

大將軍衛青者平陽人也 正義曰漢書云其父鄭季

平陽侯之家也 其父鄭季為吏給事平陽侯家與侯妻

衛媼通 索隱曰衛姓也媼婦人老少通稱漢書曰與主家

之稱後追呼耳然外戚傳云薄姬父與魏王宗女魏媼通則

以亦稱媼也而小顏云衛者舉其夫家姓也然案此云侯妻

衛媼則似無夫下云同母兄衛長子及姊衛子夫皆冒

衛氏又似有夫耳其所冒之姓為父與母皆未明也 生

青青同母兄衛長子而姊衛子夫自平陽公主

家得幸天子 徐廣曰曹參曾孫平陽夷侯時尚武帝姊

陽信長公主為平陽侯所尚故稱平陽公主世家及 故冒

功臣表時或作疇漢書作壽並文字殘缺故不同也 姓為衛氏字仲卿長子更字長君長君母號為

衛媪媪長女衛孺索隱曰漢書云君孺次女少兒次女即子

夫後子夫男弟步廣徐廣曰步一作少皆冒衛氏青為

侯家人少時歸其父其父使牧羊先母之子服

曰先母適妻也青之適母○索隱曰漢書作民母顧氏云鄆季本妻編於民戶之間故曰民母今本亦或作民母也皆

奴畜之不以為兄弟數索隱曰音去聲青嘗從入至甘

泉居室正義曰按居室室署名武帝改曰保宮灌夫繫居室是也有一鉗徒張晏曰甘泉中

徒所居也相青曰貴人也官至封侯青笑曰人奴之

生得母笞罵即足矣安得封侯事乎青壯為侯

家騎從平陽主建元二年春青姊子夫得入宮

幸上皇后堂邑大長公主女也徐廣曰堂邑安侯陳嬰之孫夷侯午尚景

帝姊長公主子季須元鼎年季須坐奸自殺○正義曰文穎云陳皇后武帝姑女也無子妬大長

公主聞衛子夫幸有身妬之乃使人捕青青時

給事建章未知名索隱曰案晉灼云建章上林中宮名也大長公主執

囚青欲殺之其友騎郎公孫敖與壯士篡取之

以故得不死索隱曰篡猶劫也奪也上聞乃召青為建章監

侍中及同母昆弟貴賞賜數日間累千金孺為

太僕公孫賀妻少兒故與陳掌通徐廣曰陳平曾孫名掌也上

召貴掌公孫敖由此益貴子夫為夫人青為太

中大夫元光五年青為車騎將軍擊匈奴出上

谷太僕公孫賀為輕車將軍出雲中太中大夫

公孫敖為騎將軍出代郡衛尉李廣為驍騎將  
軍出鴈門軍各萬騎青至籠城斬首虜數百騎  
將軍敖亡七千騎衛尉李廣為虜所得得脫歸  
皆當斬贖為庶人賀亦無功元朔元年春衛夫  
人有男索隱曰即衛太子據也立為皇后其秋青為車騎將  
軍出鴈門三萬騎擊匈奴斬首虜數千人明年  
匈奴入殺遼西太守虜略漁陽二千餘人敗韓  
將軍軍漢令將軍李息擊之出代令車騎將軍  
青出雲中以西至高闕索隱曰高闕山名小顏云一曰塞名在朔方之北也遂  
略河南地至于隴西捕首虜數千畜數十萬走

白羊樓煩王遂以河南地為朔方郡正義曰今夏州也以  
三千八百戶封青為長平侯青校尉蘇建有功  
以千一百戶封建為平陵侯使建築朔方城正義

曰括地志云夏州朔方縣北什其故城青校尉張次公

有功封為岸頭侯索隱曰案晉灼云河東皮氏縣之亭名也正義曰服虔云鄉名也

子曰匈奴逆天理亂人倫暴長虐老以盜竊為

務行詐諸蠻夷造謀籍兵數為邊害張晏曰從蠻夷信言其抄邊

也故興師遣將以征厥罪詩不云乎薄伐玁狁

至于太原索隱曰此小雅六月詩美宣王北伐也薄伐者言逐出之也出車彭彭城

彼朔方索隱曰小雅出車之詩也令車騎將軍青度西河正義曰即

雲中郡之西何云勝州東何也至高關獲首虜二千三百級車輜

畜產畢收為鹵已封為列侯遂西定河南地按

榆谿舊塞如淳曰察行也榆谿舊塞名或曰按尋也○索

馬東經榆林塞為榆絕梓領梁北河如淳曰絕度也為

義曰括地志云梁北河在靈州界也討浦泥破符離晉灼曰二王號○索

斬輕銳之卒捕服聽者三千七十一級張晏曰伏

軍虛實執訊獲醜正義曰訊問也醜眾言執其生驅馬

牛羊百有餘萬全甲兵而還益封青三千戶其

明年匈奴入殺代郡太守友徐廣曰友者太入略

鴈門千餘人其明年匈奴大入代定襄上郡殺

略漢數千人其明年元朔之五年春漢令車騎

將軍青將三萬騎出高關衛尉蘇建為游擊將

軍左內史李沮文穎曰音沮為彊弩將軍太僕公孫

賀為騎將軍代相李蔡為輕車將軍皆領屬車

騎將軍俱出朔方大行李息岸頭侯張次公為

將軍出右北平咸擊匈奴匈奴右賢王當衛青

等兵以為漢兵不能至此飲醉漢兵夜至圍右

賢王右賢王驚夜逃獨與其愛妾一人壯騎數

百馳潰圍北去漢輕騎校尉郭成等逐數百里

不及得右賢裨王十餘人索隱曰賈逵云裨孟也小

願云裨王小王也若裨將

然音頻  
移反

衆男女萬五千餘人畜數千百萬於是

引兵而還至塞天子使使者持大將軍印即軍

中拜車騎將軍青為大將軍諸將皆以兵屬大

將軍大將軍立號而歸索隱曰案謂立大將軍之號今而歸也天子

曰大將軍青躬率戎士師大捷獲匈奴王十有

餘人益封青六千戶而封青子伉正義曰口浪反為宜

春侯青子不疑為陰安侯青子登為發千侯青

固謝曰臣幸得待罪行間賴陛下神靈軍大捷

皆諸校尉力戰之功也陛下幸已益封臣青臣

青子在疆保中正義曰疆長尺二寸闊八寸以約小兒於背極小兒被也未有勤

勞上幸列地封為三侯非臣待罪行間所以勸

士力戰之意也伉等三人何敢受封天子曰我

非忘諸校尉功也今固且圖之乃詔御史曰護

軍都尉公孫敖三從大將軍擊匈奴常護軍傳

校獲王索隱曰顧秘監云傳領也五百人謂之校小顏云傳音附言敖惣護諸軍每附部校以致克捷而獲

王以千五百戶封敖為合騎侯索隱曰案非邑地因戰功為號謂軍

合騎騎故云合騎若冠軍從騎然也都尉韓說從大將軍出窳渾徐

曰窳渾在朔方音瘦。索隱曰服虔云窳渾塞各漢書作寘渾寘音田至匈奴右賢王庭

為麾下搏戰獲王索隱曰搏音搏搏擊也小顏同今史記漢書本多作傳傳猶轉也以

千三百戶封說為龍頡侯騎將軍公孫賀從大

將軍

將軍獲王以千三百戶封賀為南窳侯徐廣曰窳宜作窳音

匹孝反○索隱曰韋昭云縣名或作窳字林云大下卯與穴下卯並音匹孝反輕車將軍李蔡

再從大將軍獲王以千六百戶封蔡為樂安侯

校尉李朔校尉趙不虞校尉公孫戎奴各三從

大將軍獲王以千三百戶封朔為涉軹侯以千

三百戶封不虞為隨成侯以千三百戶封戎奴

為從平侯將軍李沮李息及校尉豆如意有功

賜爵關內侯食邑各三百戶其秋匈奴入代殺

都尉朱英其明年春大將軍青出定襄合騎侯

敖為中將軍太僕賀為列將軍翁侯趙信為前

將軍衛尉蘇建為右將軍郎中令李廣為後將

軍左內史李沮為彊弩將軍咸屬大將軍斬首

數千級而還月餘悉復出定襄擊匈奴斬首虜

萬餘人右將軍建前將軍信并軍三千餘騎獨

逢單于兵與戰一日餘漢兵且盡前將軍故胡

人降為翁侯見擊匈奴誘之遂將其餘騎可八

百犇降單于右將軍蘇建盡亡其軍獨以身得

亡去自歸大將軍大將軍問其罪正閔張晏曰正

各長史安正義曰律都軍官史一人也議郎周霸等徐廣曰儒生

建當云何霸曰自大將軍出未

郊祀志議封禪有周霸故如儒生也



嘗斬裨將今建棄軍可斬以明將軍之威閱安  
曰不然兵法小敵之堅大敵之禽也今建以數  
千當單于數萬力戰一日餘士盡不敢有二心  
自歸自歸而斬之是示後無反意也不當斬大  
將軍曰青幸得以肺腑待罪行間不患無威而  
霸說我以明威甚失臣意且使臣職雖當斬將  
以臣之尊寵而不敢自擅專誅於境外而具歸  
天子天子自裁之於是以見為人臣不敢專權  
不亦可乎軍吏皆曰善遂囚建詣行在所蔡邕曰天子自  
謂所居曰行在所言今雖在京師行所至耳巡符天下所奏  
事處皆為宮在長安則曰奏長安宮在泰山則曰奉高宮在

當時入塞罷兵是威也夫將軍姊子霍去病徐

所在年十八幸為天子侍中善騎射再從大將

軍受詔與壯士為剽姚校尉索隱曰服虔音飄搖大

百里赴利斬捕首虜過當索隱曰案小顏云計其所

於是天子曰剽姚校

尉去病斬首虜二千二十八級及相國當戶斬

單于大父行籍若侯產張晏曰籍若胡侯○索隱曰

生捕季父羅姑比索隱曰案顧氏云羅

再冠軍以千六百戶封去病

再冠軍以千六百戶封去病

再冠軍以千六百戶封去病

為冠軍侯上谷太守郝賢四從大將軍捕斬首  
虜二千餘人以千一百戶封賢為眾利侯是歲  
失兩將軍軍云翕侯軍功不多故大將軍不益  
封右將軍建至天子不誅赦其罪贖為庶人大  
將軍既還賜千金是時王夫人方幸於上審再乘  
說大將軍曰將軍所以功未甚多身食萬戶三  
子皆為侯者徒以皇后故也今王夫人幸而宗  
族未富貴願將軍奉所賜千金為王夫人親壽  
大將軍乃以五百金為壽天子聞之問大將軍  
大將軍以實言上乃拜審再乘為東海都尉張騫

從大將軍以嘗使大夏正義曰大夏國在大宛西留匈奴中

久導軍知善水草處軍得以無飢渴因前使絕

國功封騫博望侯冠軍侯去病既侯三歲元狩

二年春以冠軍侯去病為驃騎將軍徐廣曰驃一亦作剽○正

義曰漢書云霍去病征匈奴有絕其希之動始置驃騎將軍位在二司品秩同大將軍說文云驃黃馬鬣白也一曰鬣犀

將萬騎出隴西有功天子曰驃騎將軍率戎士

踰烏盩漢書音義曰音矣山名也討遼濮索隱曰遼音速濮音卜崔

是國名也遼漢王則涉狐奴晉灼曰水名也歷五王國輜重人眾懾

懼者弗取文穎曰恐懼也○索隱曰案說文云懾冀獲

單于子徐廣曰一作與轉戰六日過焉支山千有餘里

合短兵殺折蘭王斬盧胡王

張晏曰折蘭盧胡國名也殺者殺之而已斬者

獲其首○正義曰顏師古云折蘭匈奴中姓也今鮮卑有其蘭姓者即其種

誅全甲

徐廣曰全一作金○

正義曰全甲謂具足不失落也

執渾邪王子及相國都尉首虜八

千餘級收休屠祭天金人

如淳曰祭天為主○索隱曰案張晏云佛徒祠金人

也屠音諸

益封去病二千戶其夏驃騎將軍與合騎

侯敖俱出北地異道博望侯張騫郎中令李廣

俱出右北平異道皆擊匈奴郎中令將四千騎

先至博望侯將萬騎在後至匈奴左賢王將數

萬騎圍郎中令郎中令與戰二日死者過半所

殺亦過當博望侯至匈奴兵引去博望侯坐行

留當斬贖為庶人而驃騎將軍出北地已遂深

入與合騎侯失道不相得驃騎將軍踰居延至

祁連山捕首虜甚多天子曰驃騎將軍踰居延

張晏曰水名也

遂過小月氏

索隱曰韋昭氏音支西域傳大月氏本居敦煌祁連山間餘眾保南山遂號

小月氏

攻祁連山

索隱曰小顏云即天山也匈奴謂天為

也恐非

得酋涂王

張晏曰胡王也○索隱曰酋音才由反

酋涂王此文省也

以眾降者二千五百人斬首虜三萬二

百級獲五王五王母單于闕氏王子五十九人

相國將軍當戶都尉六十三人師大率

正義曰音律也

減什三

索隱曰案漢書作減什七小顏云破匈奴之師十減其七一云漢兵亡失之數下皆類此案一說為

是益封去病五千戶賜校尉從至小月氏爵左

庶長鷹擊馬破奴再從驃騎將軍斬遼濮王

正義曰速捕稽且王索隱曰且音子余反千騎將得王王母各

一人索隱曰漢書作右千騎將王然則此云千騎將是漢之將屬趙破奴得匈奴王及王母也或云右千騎將

即匈奴王號也王子以下四十一人捕虜三千三百三十

人前行捕虜千四百人以千五百戶封破奴為

從驃侯張晏曰從驃騎將軍有功因以為號校尉句王高不識徐廣曰句音鈞

匈奴以為為號索隱曰從驃騎將軍捕呼于屠王索

案二人並匈奴人也王子以下十一人捕虜千七百六十八

人以千二百戶封不識為宜冠侯正義曰孔文祥云從冠軍將軍

戰故宜冠從校尉僕多有功封為輝渠侯索隱曰案

驃之類者也合騎侯敖坐行留不與驃騎會當斬

明疑多是誤贖為庶人諸宿將所將士馬兵亦不如驃騎驃

騎所將常選索隱曰選音宣亦反謂驃騎常選擇取精兵然亦敢深入

常與壯騎先其大將軍軍亦有天幸未嘗困絕

也然而諸宿將常坐留落不遇索隱曰案謂遲留

由此驃騎日以親貴比大將軍其秋單于怒渾

邪王居西方數為漢所破亡數萬人以驃騎之

兵也單于怒欲召誅渾邪王渾邪王與休屠王

等謀欲降漢使人先遣使向邊境要遮漢人索

曰案謂先於邊境要候漢人言其欲降

令報天子要邊是時大行李

息將城河上得渾邪王使即馳傳以聞天子聞

之於是恐其以詐降而襲邊乃令驃騎將軍將

兵往迎之驃騎既渡河與渾邪王眾相望渾邪

王裨將見漢軍而多欲不降者頗遁去驃騎乃

馳入與渾邪王相見斬其欲亡者八千人遂獨

遣渾邪王乘傳先詣行在所盡將其眾渡河降

者數萬號稱十萬既至長安天子所以賞賜者

數十巨萬封渾邪王萬戶為漯陰侯索隱曰漯音

理志縣名在平原

封其裨王呼毒尼

文穎曰胡王名

為下摩侯鷹

庇為輝渠侯

徐廣曰一二云篇些言○索隱曰漢書應作離庇音必二反又音疋履反案漢書功漢表

元符二年以輝渠封僕明至三年又封鷹庇其地俱屬魯陽未詳所以○正義曰輝渠表作順梁

禽黎為

河棊侯

徐廣曰禽一作鳥○索隱曰案表係鳥梨

大當戶銅離

徐廣曰一

○索隱曰徐注與漢書功臣表同此文云銅漢書云調字又異也為常樂侯於是天子

嘉驃騎之功曰驃騎將軍去病率師攻匈奴西

域王渾邪王及厥眾萌咸相犇率以軍糧接食

并將控弦萬有餘人誅僥驛

晉灼曰僥音欺譙反○索隱曰說文僥作越行

疾貌悍音胡曰反獲首虜八千餘級降異國之主三十二

人戰士不離傷十萬之眾咸懷集服仍與之勞

爰及河塞

正義曰言匈奴右地渾邪王降而塞外並河諸郡之民無憂患也

庶幾無患

幸既永綏矣以千七百戶益封驃騎將軍減隴

西北地上郡戍卒之半以寬天下之繇居頃之

乃分徙降者邊五郡故塞外正義曰五郡謂隴西北

塞外又在北海之南而皆在河南因其故俗為屬國正義曰以

徙置五郡各依本國之俗而屬於漢故言屬國也其明年匈奴入右北平定

襄殺略漢千餘人其明年天子與諸將議曰翁

侯趙信為單于畫計常以為漢兵不能度幕輕

留索隱曰案幕即沙幕古字少耳輕留者謂今大發士

卒其勢必得所欲是歲元狩四年也元狩四年

春上令大將軍青驃騎將軍去病將各五萬騎

步兵轉者踵軍

正義曰言轉用士之士及步兵接後又數十萬人

數千萬而

敢力戰深入之士皆屬驃騎驃騎始為出定襄

當單于捕虜言單于東乃更令驃騎出代郡令

大將軍出定襄郎中令為前將軍太僕為左將

軍主爵趙食其為右將軍平陽侯襄為後將軍

皆屬大將軍兵即度幕人馬凡五萬騎與驃騎

等咸擊匈奴單于趙信為單于謀曰漢兵既度

幕人馬罷匈奴可坐收虜耳乃悉遠北其輜重

皆以精兵待幕北而適值大將軍軍出塞千餘

里見單于兵陳而待於是大將軍令武剛車孫

兵法曰有中者蓋謂之武剛車也

自環為營而縱五千騎往當匈

奴匈奴亦縱可萬騎會日旦入大風起砂礫擊

面兩軍不相見漢益縱左右翼繞單于單于視

漢兵多而士馬尚彊戰而匈奴不利薄暮單于

遂乘六羸壯騎可數百直冒漢圍西北馳去時

已昏漢匈奴相紛拏正義曰三蒼解詁云紛拏相牽也殺傷大當

索隱曰以言所殺傷大略相當漢軍左校捕虜言單于未昏而去

漢軍因發輕騎夜追之大將軍軍因隨其後匈

奴兵亦散走遲明正義曰上音值行二百餘里徐廣曰遲一作黎

索隱曰遲音值遲者待也待天欲明也漢書作會明諸本多作黎明黎氏云黎速也然黎黑也候天將明而猶黑也不

得單于頗捕斬首虜萬餘級遂至寘顏山趙信

城徐廣曰寘音音田得匈奴積粟食軍軍留一日而還悉

燒其城餘粟以歸大將軍之與單于會也而前

將軍廣右將軍食其軍別從東道或失道後擊

單于大將軍引還過幕南乃得前將軍右將軍

大將軍欲使使歸報令長史簿責前將軍廣廣

自殺右將軍至下吏贖為庶人大將軍軍入塞

凡斬捕首虜萬九千級是時匈奴眾失單于十

餘日右谷蠡王聞之自立為單于索隱曰谷音綠蠡音黎又音離

單于後得其眾右王乃去單于之號驃騎將軍

亦將五萬騎車重與大將軍軍等而無裨將悉

以李敢等為大校當裨將出代右北平千餘里

直左方兵所斬捕功已多大將軍軍既還天子

曰驃騎將軍去病率師躬將所獲葷粥之士徐廣

曰粥一作允駟案應劭曰所降士有材力者約輕齎絕大幕涉獲章渠徐廣

曰獲一作護○索隱曰小顏云涉謂涉水也章渠單于以

誅比車者晉灼曰王號也○索隱曰比音必耳反轉擊左大將索隱曰

名斬獲旗鼓歷涉離侯索隱曰漢書作度難侯濟

弓間晉灼曰水名也○索隱曰獲屯頭王漢書音義

也韓王等三人徐廣曰王一作藉○索隱曰李奇云皆匈奴王號將軍相國

當戶都尉八十三人封狼居胥山禪於姑衍正義

曰積土為壇於山上封以祭天也除地曰禪登臨翰海張晏曰登海邊山以望

云北海名群鳥之所解羽故云翰海廣志在沙漠北執鹵獲醜七萬有四百四

十三級師率減什三取食於敵違行殊遠而糧

不絕索隱曰連與卓同卓遠也以五千八百戶益封驃騎將軍

右北平太守路博德屬驃騎將軍會與城正義

音不失期從至禱余山索隱曰禱余音桃徒斬首捕虜二千

七百級以千六百戶封博德為符離侯北地都

尉邢山徐廣曰一作衛山從驃騎將軍獲王以千二百戶

封山為義陽侯故歸義因淳王復陸支樓專王



伊即軒皆從驃騎將軍有功索隱曰劉氏復音伏小顏音芳福反漢書專作

驃並音專小顏音之充反軒音九言反以千三百戶封復陸支為壯侯

以千八百戶封伊即軒為衆利侯從驃侯破奴

昌武侯安稽徐廣曰姓趙姑匈奴王從驃騎有功益封各三

百戶校尉敢得旗鼓為關內侯食邑二百戶索隱

曰敢李校尉自為爵大庶長徐自為也軍吏卒為

官賞賜甚多而大將軍不得益封軍吏卒皆無

封侯者兩軍之出塞塞門官及私馬凡十四萬

匹而復入塞者不滿三萬匹乃益置大司馬位

大將軍驃騎將軍皆為大司馬如淳曰大將軍驃騎將軍皆有大司

馬之號也○索隱曰案如淳云本無大司馬今新置耳案前謂太尉其官又省今武帝始置此位衛將軍霍驃驍皆加此

官定令令驃騎將軍秩以侏與大將軍等自是之

後大將軍青日退而驃騎日登貴舉大將軍故

人門下多去事驃騎輒行官爵唯任安不肯驃

騎將軍為人少言不泄索隱曰案孔文祥云謂皆重

不泄其行亦同也有氣敢任索隱曰謂果天子嘗欲教之孫

吳兵法對曰顧方略何如耳不至學古兵法天

子為治第令驃騎視之對曰匈奴未滅無以家

為也由此上益重愛之然少而侍中貴不省士

其從軍天子為遣太官齎數十乘既還重車餘

棄梁肉而士有飢者其在塞外卒乏糧或不能

自振而驃騎尚穿城蹋鞠徐廣曰穿地為營域○索

以毛楚蹋為戲也劉向別錄云蹋鞠兵勢所以陳武事知有

材也三蒼云鞠毛可蹋以毛為戲故云鞠戲鞠音巨六反○

正義曰按楚鞠書有域說篇即今之打毬也黃事多此類

大將軍為人仁善退讓以和柔自媚於上然天

下未有稱也驃騎將軍自四年軍後三年元符

六年而卒天子悼之發屋蜀國玄甲正義曰蜀國即

者也玄甲軍陳自長安至茂陵為冢像祁連山索

鐵甲也曰案崔浩云去病破昆邪於此山故今為冢象之以旌功也

姚氏案冢在茂陵東北與衛青冢並西者是青東者是去病

冢上有豎石前有石人也謚之并武與廣地曰景栢侯蘇

馬相對又有石人也

曰景武謚也栢廣地謚也張晏曰謚法布義行剛曰景闢土

服遠曰栢○索隱曰案景栢兩謚也布義行剛是武謚也薛

士服遠是廣地之謚也以去病平生有武藝及子嬪代侯

廣邊地之功故云謚之并武與廣地曰景栢也

索隱曰嬪音市戰反嬪少字子侯上愛之幸其壯而將之居

六歲元封元年嬪卒謚哀侯無子絕國除自驃

騎將軍死後大將軍長子宜春侯伉坐法失侯

後五歲伉弟二人陰安侯不疑及發干侯登皆

坐酎金失侯失侯後二歲冠軍侯國除其後四

年大將軍青卒徐廣曰元謚為烈侯子伉代為

長平侯自大將軍圍單于之後十四年而卒竟

不復擊匈奴者以漢馬少而方南誅兩越東伐

朝鮮擊羌西南夷以故公不伐胡大將軍以其

得尚平陽公主正義曰漢書云平陽侯曹壽有惡疾就國乃詔青尚平陽公主如淳云本陽信

長公主為平陽侯所尚故稱平陽公主云故長平侯代侯六歲坐法失侯

左右兩大將軍及諸裨將名最索隱曰謂凡計也大將

軍青凡七出擊匈奴斬捕首虜五萬餘級一與

單于戰收河南地遂置朔方郡再益封凡萬一

千八百戶封三子為侯一千三百戶并之萬五

千七百戶其校尉裨將以從大將軍侯者九人

其裨將及校尉已為將者十四人索隱曰案漢書云為特將者十

五人蓋通李廣也此李廣一人自有傳者漢書則七人自有傳八人附見七人謂李廣張騫公孫賀李蔡曹襄韓說蘇建

也為裨將者曰李廣自有傳無傳者曰將軍

公孫賀賀義渠人正義曰今慶州本義渠戎國也地理志云北義渠道也其先

胡種賀父渾邪景帝時為平曲侯徐廣曰為隴西太守坐

法失侯賀武帝為太子時舍人武帝立八歲以

太僕為輕車將軍軍馬邑後四歲以輕車將軍

出雲中後五歲以騎將軍從大將軍有功封為

南窳侯後一歲以左將軍再從大將軍出定襄

無功後四歲以坐酎金失侯後八歲徐廣曰元鼎六年以

浮沮將軍出五原索隱曰沮音子餘反二千餘里無功後八

歲徐廣曰太初二年以太僕為丞相封葛繹侯賀七為

將軍出擊匈奴無大功而再侯為丞相坐子敬聲與陽石公主姦徐廣曰陽石一云德邑為巫蠱族滅無後

將軍李息郁邳人服虔曰邳音室○索隱曰小顏音質案北地縣名也○正義曰之栗反今

慶州弘化縣是事景帝至武帝立八歲為材官將軍軍馬

邑後六歲為將軍出代後三歲為將軍從大將

軍出朔方皆無功凡三為將軍其後常為大行

將軍公孫敖義渠人以郎事武帝武帝立十二

歲為驃騎將軍出代亡卒七千人當斬贖為庶

人後五歲以校尉從大將軍有功封為合騎侯

後一歲以中將軍從大將軍再出定襄無功後

二歲以將軍出北地後驃騎期當斬贖為庶人

後二歲以校尉從大將軍無功後十四歲以因

杆將軍築受降城索隱曰杆音于七歲復以因杆將軍

再出擊匈奴至余吾索隱曰余音餘又音徐安水名在朔方亡士卒多

下吏當斬詐死亡居民間五六歲後發覺復擊

坐妻為巫蠱族凡四為將軍出擊匈奴一侯

將軍李沮索隱曰音沮豆之姐雲中人正義曰今嵐勝州也事景帝武

帝立十七歲以左內史為彊弩將軍後一歲復

為彊弩將軍

將軍李蔡成紀人也正義曰秦州縣也事孝文帝景帝武

帝以輕車將軍從大將軍有功封為樂安侯已為丞相坐法死

將軍張次公河東人以校尉從衛將軍青有功封為岸頭侯其後太后崩為將軍軍北軍後一歲為將軍從大將軍再為將軍坐法失侯次公父隆輕車武射也以善射景帝幸近之也

將軍蘇建杜陵人以校尉從衛將軍青有功為平陵侯以將軍築朔方後四歲為游擊將軍從大將軍出朔方後一歲以右將軍再從大將軍出定襄亡翁侯失軍當斬贖為庶人其後為代

郡太守卒家在大猶鄉

將軍趙信以匈奴相國降為翁侯武帝立十七歲為前將軍與單于戰敗降匈奴

將軍張騫以使通大夏還為校尉從大將軍有功封為博望侯三歲為將軍出右北平失期當斬贖為庶人其後使通烏孫為大行而卒家在漢中

將軍趙食其殺相人也

索隱曰縣名在馮翊投音都活反又音丁外反用音謂。

正義曰上都海反雍州同官縣本漢投相縣也

武帝立二十二歲以主爵為

右將軍從大將軍出定襄迷失道當斬贖為庶

人

將軍曹襄以平陽侯為後將軍從大將軍出定襄襄曹參孫也將軍韓說弓高侯庶孫也以校尉從大將軍有功為龍領侯坐酎金失侯元鼎六年以待詔為橫海將軍擊東越有功為按道侯以太初三年為游擊將軍屯於五原外列城為光祿勳掘蠱太子宮衛太子殺之

將軍郭昌雲中人也以校尉從大將軍元封四年以太中大夫為按胡將軍屯朔方還擊昆明毋功奪印

將軍荀彘太原廣武人以御見

正義曰以書御求見也

侍中

為校尉數從大將軍以元封三年為左將軍擊

朝鮮無功以捕樓船將軍坐法死最驃騎將軍

去病凡六出擊匈奴其四出以將軍

徐廣曰再出以到姚校尉

也斬捕虜首十一萬餘級及渾邪王以眾降數

萬遂開河西酒泉之地

正義曰河謂隴右蘭州之西河也謂涼肅等州漢書西域傳云

驃騎將軍擊破匈奴右地置酒泉郡後分置武威張掖燉煌等郡

西方益少胡寇四益

封凡萬五千一百戶其校吏有功為侯者凡六

人而後為將軍二人

將軍路博德平州人

正義曰漢書云西河平州按西河都今邠州

以右北

平太守從驃騎將軍有功為符離侯驃騎死後  
博德以衛尉為伏波將軍伐破南越益封其後  
坐法失侯為彊弩都尉屯居延卒

將軍趙破奴故九原人

正義曰今勝州

嘗亡入匈奴已

而歸漢為驃騎將軍司馬出北地時有功封為

從驃侯坐酎金失侯後一歲為匈河將軍攻胡

至匈奴水無功後二歲

徐廣曰元封二年

擊虜樓蘭王

復封為浞野侯後六歲

徐廣曰太初二年

為浚稽將軍

將二萬騎擊匈奴左賢王左賢王與戰兵八萬

騎圍破奴生為虜所得遂沒其軍居匈奴中十

歲復與其太子安國亡入漢

徐廣曰以太初二年入匈奴天漢元年亡歸涉

四年後坐巫蠱族

自衛氏興大將軍青首封其後枝屬為五侯凡

二十四歲而五侯盡奪衛氏無為侯者

太史公曰蘇建語余曰吾嘗責大將軍至尊重

而天下之賢大夫毋稱焉

索隱曰謂不為賢士大夫所稱譽

願將

軍觀古名將所招選擇賢者勉之哉大將軍謝

曰自魏其武安之厚賓客天子常切齒彼親附

士大夫招賢絀不肖者人主之柄也人臣奉法

遵職而已何與招士

索隱曰與音預

驃騎亦放此意其為

將如此

索隱述贊曰

君子豹變

貴賤何常

青本奴虜

勿搃戎行

姊配皇極

身尚平陽

寵營斯僭

取亂彝章

剽姚繼踵

再靜邊方

衛將軍驃騎列傳第五十一

史記百一十一



